

25. novembra / studenog 2018.

NE, JER SMO PROTIV OPASNE INICIJATIVE SVP-A O SAMOODLUČIVANJU




„Ja sam protiv frontalnog napada na zaštitu radničkih i ljudskih prava. Inicijativom se želi postići to da Švicarska dobije slobodu da krši svoje međunarodne obaveze, kao što to čine totalitarni vladari. Ja to ne podržavam.”

Ivan Kolak, sekretar Sindikata Unia, član upravnog odbora SP Kanton Bern



„Ja kažem ne, jer ne smijemo kršiti međunarodne ugovore. Jedino međudržavni ugovori i međunarodno pravo štite male zemlje poput Švicarske od svjetskih političkih sila. Bez njih Trump, Putin i Erdogan odlučuju o dešavanjima u svijetu.”

Ada Marra, članica Nacionalnog vijeća, Vaud



„Ja kažem ne, jer neću da narod bude bespomoćan pred državnim samovoljom. Međunarodna ljudska prava nas štite protiv proizvoljnih ograničenja naše slobode od strane države. Ova inicijativa ugrožava ta prava.”

Esad Sadikovic, član Upravnog odbora SP Migranti Švicarske, član Predsjedništva SP Migranti Aargau

NE, JER SMO PROTIV FRONTALNOG NAPADA NA ZAŠTITU LJUDSKIH PRAVA. Ova inicijativa predstavlja frontalni napad SVP-a na zaštitu ljudskih prava. SVP u tome nije usamljen. Represivne države i korumpirani vladari širom svijeta iz vlastitog interesa potkopavaju međunarodna prava. Zbog toga je sada važnije nego ikada da Švicarska potvrdi da čvrsto stoji iza ljudskih prava. Ne smijemo dopustiti da Švicarska prekrši svoje međunarodne obveze u vezi s ljudskim pravima, kao što to čine nepravne države i totalitarni vladari.

NE, JER NE SMIJEMO KRŠITI MEĐUNARODNE UGOVORE. Međunarodni ugovori i međunarodno pravo štite male zemlje poput Švicarske od moćničke politike svjetskih sila. U nekima od njih nacionalizam postaje sve jači. Zbog toga je za Švicarsku upravo sada još važnije da štiti i poštuje međunarodna pravila. Samo jak pravni sistem može ograničiti državnu samovolju. Bez međunarodnih pravila, vladari kao Trump, Putin i Erdogan odlučuju o sudbini svijeta. Zato reci NE ovoj opasnoj inicijativi SVP-a.

NE, JER NE SMIJEMO BITI NEZAŠTIĆENI OD DRŽAVNE SAMOVOLJE. Međunarodna ljudska prava nas štite od proizvoljnog državnog ograničavanja naših sloboda. Međunarodno pravo i, prije svega, Europska konvencija o ljudskim pravima (EKLP) jačaju pravo boravka, pravo djece da žive sa svojim obiteljima/podicama, te štite od proizvoljnih uhićenja i deportacije. Inicijativa dovodi u pitanje sva ta dostignuća. Zato kažemo NE.

KAKO GLASATI?


BOSNISCH – SERBO-KROATISCH



Otvorite pismo.




Ispunite glasački listić.




Stavite glasački listić u malu sivu glasačku kovertu.



Potpišite kartu za glasačku legitimaciju, kako bi vaš glas bio važeći.



Stavite glasačku kovertu i kartu za glasačku legitimaciju u povratnu kovertu.



Pošaljite kovertu do 17.11. u svoju općinu/opštinu ili ubacite kovertu do 24.11. u poštanski sandučić svoje općine/opštine.

MIGRANTI MOGU ZNAČAJNO UTICATI NA ISHOD

Proteklih godina je u Švicarskoj preko milion ljudi primilo švicarsko državljanstvo. Oko 880.000 ljudi starijih od 15 godina ima dvojno državljanstvo. Ako glasamo mi, Švicarci s migrantskim porijeklom, mi možemo obrazovati većinu. Odbijanje inicijative o samoodlučivanju je moguće – ali, samo ako svi zaista glasamo.

Kontaktirati: SP MigrantInnen, Postfach 7876, 3001 Bern, Telefon 031 329 69 69
info@spschweiz.ch, www.spschweiz.ch/migranten
PS Migrant-e-s, case postale 7876, 3001 Berne, téléphone 031 329 69 69
info@pssuisse.ch, www.pssuisse.ch/migrants

